



Jumat, 2 Desember 2022
Ogen: Daniel 7:15-28



Kuasa Ras Kemuliaan



Pengenehenen Daniel e tahu-tahu mejin. Rahasia masa depan kerna runtuhna pemerentahen doni ras uga kuasa Tuhan ngaturken kerajan e ras ngkernepenca. Tuhan mpeturut kerajan si lit i bas doni enda lebe erkuasa, tapi kerajan si ngikutken sura-sura doni ras kemanusianna ikernepenken Dibata, jenari kuasa kerajan e iendesken man kalak si tahu-tahu erkemalengan man Tuhan.

Sekali nari pengenehenen Daniel e njabap penungkunen si sedekah enda lit i tengah-tengahta, engkai maka tempa-tempa sangapen kalak jahat asangkan kalak mehuli? Kalak jahat ras kuasana ipelepas Dibata ndalanken bagi sura-surana, sabap labo ia nggit itegu jadi mehuli. Tapi enggo kenca seh pagi paksana kalak bujur nge singaloken tanda kemenangenna.

Njaga kinitekenta tetap kempak Tuhan, aminna langa siangka gundari perulihenna. Tapi jaminen kerna kuasa kemulian e, enggo ibuktiken alu ketubuhen ras kematen Tuhan Yesus. Arah kematenNa kita nggo itebusi. Janah Kuasa Dibata ikuseken man bana. Ise si tek ibereken kuasa arah Kesah si Badia. Lit kuasa Dibata i bas kita si harus sipake alu ertanggungjabap. Kuasa perkataan. Kata-kata si ndarat i bas babahta nari banci mbangun banci ka ngeruntuhken. Tupung kita ngerana, belaskenlah kata-kata si mabai kegeluhen maka sipan ka buah kata-kata simaba kegeluhen. Adi sibelasken kata-kata si mabai kematen, sipan ka buahna. Erkiteken kuasa e, banci kita ngerana man dagingta si kote e, semangat, maka ia pe semangat. Sehat, nina ia pe sehat ka, tapi arus sibelasken alu tek. Alu tek kita maka kemulian Tuhan jadi i bas kita.



[The main body of the page is a large, blank white area with a wavy top edge, intended for writing.]